

gabero joan bearra
lotara igasi;
¿eta nora lotara?
¡ganbara batera!
zuazte emendikan
zuben parajera»

Au esanik, asi zan
kantari gogotik,
bestiak azkar jira
ziran lotsaturik;
orduban esan zioten
usoak elkarri,
«arrazoi egokiyak
zizkiguk ekarri;
eztiyagu baliyo
ezertarako guk,
gure aldian ayek
libriago dituk;

kantuan ere askoz
dituk bai obiak,
ayek dizkitek, ayek
abillidadiak.»

Au esan, ta guztiyak
lotsaz beterikan,
gordeta bizi izan
ziran geroztikan.

.
.

Iruritutzen zaigu
guri ere askotan,
onenak geradela
gerok guztiyetan;
bañan eskarmentua
laister ikusten da,
gu baño aundiagua
non nai azaltzenda.

BI OLLARRAK.



Ollar bat izaten zan
baserri batian;
bera zan jaun ta jabe
olluen tartian;
beti panparroi bizi
zan denen artian,
etzuben ollarrik nai
ark aldamenian.
Egun batez nagusi
bertakuak bada,
ekarri zuben ollar

gazte bat bertara;
zarrarekin batian
bizitziagatik
bidez olluak ondo
izatiagatik.
Ikusirik gazte au
ollar zar aundi ark,
mokoka egin-zizkan
iru edo lau mark;
oso tirri aundiya
artua baiziyon,

egunero kolpeka
 erasotzen zion;
 nola gaztia zan au,
 išillikan penak
 supritutzen zituben
 pazientziz denak;
 esanaz «indartsua
 dalako muturka,
 erasotzendit neri
 goizero burruka;
 neri ere indarrak
 zaizkit etorriko,
 orduan ez diyot nik
 berari utziko»
 Ala luzaro samar
 bizi zan penetan,
 gaiztoaren mendian
 triste ta neketan.
 Denbora batez zuben
 igarri, indarra
 naikua bazeukala
 (poztu zan ollarra.)
 Berialaſen joan zan
 ollar zarragana,
 esanaz, «aitu zazu
 arrazoya, dana,
 nagusiyak gu biyak
 berdin maite gaitu,

naitasun geyagorik
 iñori ez baitu;
 bada nik ere nai det
 zedorrek bezela,
 ollo batzuben jabe
 izan, bai; bestela
 aserria izango da
 elkarren artian;
 soziyuan bezela
 bizitu gaitian.»
 Ollar zarra tirriyaz
 lengoko modura,
 abiyatu zan gogor
 kolpeka burura;
 baña erasorikan
 gaztiak batetan,
 buruba puskaturik
 utzi zuben bertan.

.

Onek erakusten du
 nola jaun ta jabe,
 nai izaten dutela
 gizon askok ere;
 ez diyote iñori
 opa ezer-ere,
 baña berak gelditzen
 dirade deus-gabe.

JOSÉ ARTOLA.

